

daywangpunto (dos puntos), punto (punto) puntong-sunod (punto suspensivo), parentisis (parentesis), inogkutana (interrogacion), inoghakoe o inogngaw (admiracion), kudlit (apostrofe).

## Ro mitlang

Ro mitlang (silaba) hay maw ro naga bilog it bisaeá nga kon kaisa sang ka letra eamang, kamuhà it o. ag kon amát hay gina bilog it daywa, tatlo o eabaw pa nga ka mga letra, kamukha it *ma-tag-nong*. Sunô sa atong nakitâ, balang mitlang hay kinahangean nga muntan it letra nga may dugalingong limog o *vocal*.

## Gasunod nga bokal

Sa binisayâ kon gasunod o gaeunsong do daywa o eabaw sa daywa nga ka *vocal* hay dapat mitlangon nga bueág o antad ro andang limog o bueagón do pag mitlang kanda. Pgn: *baeatian* nga kon basahon hay *baeati-an*. Kon buot basahon nga impon ro *i* sa *a* hay bagay isueát it makara: *baeatyan*. Sa masunod nga pananglitan maathagan do kinag saysay nga sueondan: "Akong nabatian kalnang agahon sa namatyan nga si Andoy may baeatian".

~~Tildi~~ Tildi

Rayang tandà maw do kudlit nga gina butáng sa ibabaw it letra nga *vocal* sa pag paathang nga dapat bayluhon do limog kon mitlangon.